

111 年全國語文競賽原住民族語朗讀 【萬大泰雅語】 高中學生組 編號 4 號

huril laha ci mapulata'

wal makinbabuti' mulorak nanahi' ka yaba ni' Pawan ma, huril ni ka
sunsul hiyan, palamoh ci aawah ni ka tanmorrow ni...

maktugal bangi' ka abubinah morow in kinlalayan, mahukil paslahbuw
mana' ka kanel ni, non ci makparat rex, nanu' makramagal rex laga, nanak
huril ni ka nel mubinah morow la, ana non ci a'ubinah ka yaba' ni Pawan,
ini tehuk morow ka hiya la. huril ni ka nel pasal mati'urit ci ka pinmugan, as
kaba' matox ka nanabkis. huril ni nak ka maras raral nanuw cika kintakuran
ni la, lon naha ka yaba ni Pawan hani maga, rima nak masputing kisli' ni la,
as naha nak abli' ci ka kintakuran ni, i, bisani' ka panoh tanux maras ci
amutux ka sun ita Itaral hiya ma.

panarit ka nabkis rali' maga, huri hiya ga, makbaba' ci isa' na ita ci'uli.
yona, kelan ka ci'uli' wahan pastana' na lakwaral ma ga, pasal matox amutu
ka laha, tehux malahngan la ga, kumuw mangis tanux na morow ka huril la,
as kaba' ka nabkis, minlu' mahmut kumuw ungat ka wal pastana' na amutux
ga, bisani' kaca', as ki ka pakarun ka huril haca ma.

amol ka kisli' carung na mapulata' na huril hani ga, ba' makinpung ci
tatu' na mapulata' lu, happrow pari' ci cinbun na mapakakiy nanahi' uri'

ma, wasti' ka hahalan naha maakakiy, laha ka malahang ci tu'uy
pabinahun. hunco' ba' ci babinahan ka sun huril hiya, ini kaba' matox ci
tu'uy uri, kuba' nak ga, huril hiya ma ga, arat amol ka sipakegal ni malahan
ci tu'uy, muke' matabus innanohan hang i maskakiy nanu' nanahi', mubinah
la ga, gunluw ci sinkanaxan na babus mubinah, babus na ha ka cugusun ni ci
papubinah na tu'uy ma, nel be'en ci kinramas carung tangahen na amutux
ka laha. ye kani ka galan ci tanmorrow matox naka mapalata' ong. ana
mapakani' ga, sirama' naha nak ci nane'en uri, amol ka ni'un na utux
morow, mintana' ka nani'un naha uri. kani ka happrow sunsul nak lu
palibuw ci mapulata' ka linlungan naha, nanu' nak masputing ga, ini
mahmut magiy ka sun huri hani.

ananak nak Pamukan uri ga, huril hani' maga, rangi' carung na ci'uli',
umabas magal ci kisli' laha ci ule' tanak ma. wah, ana'abas kani' la wa,
kinramasan carung la.

獵人與狗

Pawan 的父親山上打獵，身後跟著他最忠實的狗，家人期盼著他的歸期。

三天是他例行的歸期，妻子暗算著，第四天，第五天，盼到的是忠實的狗，再也盼不到 Pawan 的父親回到家裡。狗，引著家人到達主人失足的地方時，主人已沒有氣息，泰雅族的規範裡，只能將 Pawan 的父親就地掩埋，客死異地無法帶回家，是一大禁忌。

老人家對於有靈性的狗是非常尊重，通常部落裡如果有人即將被接往彩虹那端時，在前幾天夜裡，狗會像未卜先知一樣，不斷哀嚎，老人家只要聽到淒厲的哀號聲，大家就知道有人將要起程了。

狗，跟著獵人馳騁在森林裡，要很清楚獵物的走向，也聽得懂獵人對發出的訊息，除了追逐獵物，也要顧及主人的安危，在歷經混亂之後，找出離開森林的路。原來，狗，天生就有一個本領，利用自己沿路撒的尿味，突破森林重圍，安全把獵人及戰利品帶回家中，也難怪深得獵人喜愛，把它視為一家人看待，就連食物也會被專程準備，狗是獵人最忠實的好朋友，直到終了牠們仍對主人不離不棄。